



Secziun da catschadurs Bostg

Andiast | Pigniu | Vuorz | Siat | Rueun

Protocol dalla radunonza generala dils 18 da december 2014 allas 20:00 – 21:40 en casa da scola ad Andiast

Suprastonza

Rita Killias-Cantieni, presidenta

Marco Tschuor, actuar

Clemens Cavigelli, cassier

Elias Casanova, responsabel da tir

Presents: 33

Perstgisas: 21

Absolut pli: 17

Tractandas

1. Beinvegni ed elecziun da dus dumbravuschs
2. Approbaziun dalla gliesta da tractandas
3. Approbaziun dil protocol dalla radunonza da primavera dils 2 da matg 2014 a Siat
4. Rapport dalla presidenta
5. Rapport dil cau da tgira / rapport dil responsabel da tir
6. Rendaquen, rapport dils revisurs ed approbaziun dil quen
7. Fixar las contribuziuns annualas
8. Orientaziun ed approbaziun dil program da lavur
9. Conclus sur midadas da statuts e reglaments
10. Conclus sur propostas per mauns dalla suprastonza centrala
11. Mutaziuns
12. Elecziuns, demissiun digl actuar Marco
13. Elecziun per ina perioda d'uffeci dad in onn dils delegai tenor art. 15 dils statuts dall'uniun cantunala BKPJV
14. Honoraziuns
15. Varia

Tractandas/Conclus/Discussiun etc.	Responsabel
Beinvegni entras il president: Rita Killias-Cantieni fa a tut ils presents in cordial beinvegni.	R. Killias
1. Elecziun da dus dumbravuschs Per igl appel cursescha ina gliesta. Presents total ein 33 Sco dumbravuschs vegn elegius: Patric Cavigelli	R. Killias
2. Approbaziun dalla gliesta da tractandas La gliesta da tractandas vegn approbada unanimamein.	R. Killias
3. Approbaziun dil protocol dalla radunonza da primavera dils 2 da matg a Siat Il protocol vegn approbaus unanimamein.	M. Tschuor
4. Rapport dalla presidenta Igl onn 2014 ei stau in onn da grondas midadas tier las structurass dallas organisaziuns da catscha. Ils statuts novs dil BKPJV ein i en vigur e quei ha dau midadas tochen tier la basa. La suprastonza centrala secumpona uss da commembers ord differentas regiuns e la Surselva ha saviu occupar cun Robert Brunold il presidi.	R. Killias



Secziun da catschadurs Bostg

Andiast | Pigniu | Vuorz | Siat | Rueun

Plinavon ein ils districts I e II sesligiai, aschia che mintga district cuntinuescha cun in'atgna suprastonza. Il parsura da nies district ei Victor Blumenthal da Falera e per la Secziun Bostg fa Remo Veraguth part da quei gremi.

La suprastonza dil Bostg ei seradunada 4 ga per dilucidar ils pensums e preparar las radunonzas. Era nus havein giu da s'occupar cun la revisiun da statuts, numnadamain cun quels dil district II da catscha e secapescha cun quels da nossa secziun. Nos statuts ein vegni sancziunai dalla radunonza da primavera 2014 ed approbai ils 25 da zercladur entras la suprastonza centrala dil BKPJV.

Ils 25 da schaner han nos camerats da Vuorz preparau ina biala e divertenta sera familiara cun ina buna tscheina ed in gustus buffet da dessert. 3 sketches preparai e giugai dils catschadurs giuvens han fatg rir la raspada e las lottarias cun fetg bials premis han dau anim da separticipar. Denteren ha nies musicist Sigis delectau nus cun accumpignament musical. Cun quella caschun havein nus era astgau honorar Bruno Cadonau sco commember liber dil BKPJV

Suenter 9 canasters ha Clemens Cavigelli giu malpuccau cun nus, aschia che nus havein astgau eleger el sco cassier a caschun da nossa radunonza da primavera, ils 2 da matg a Siat. Quei ei succediu cun in ferm applaus dils presents. Duront quella radunonza ha Arnold Caminada informau sur la situaziun dil luf dil Calanda ed il luf tscherver en Surselva, la tschoccadad dils camutschs ed ils resultats dalla dumbraziun e dallas catschas en nies territori.

Ils 27 da fenadur ha nies survetsch divin ecumen e batten da Lorena Samira Veraguth, giu liug a Munt s. Gieri. Ser Daniel Bolliger e sur Dirk Jasinski han celebrau il survetsch divin ch'ei vegnius embellius dils sunacorns Crap la Pala e visitaus da ca. 70 – 80 personas, da quei 26 catschadurs dil Bostg. Atgnamein ein tals arranschaments era patertgai sco muments da sentupada e da cumpignia denter ils catschadurs. Perquei spitgass ins era dapli participaziun dils commembers. Engraziar less jeu a tut quels ch'ei segidai tier las preparaziuns per quei di.

Ils 7 d'uost havein semtgau il stan da sittar a Tschess e dau la pussevividad da trenar pil tir intern che ha giu liug ils 9 d'uost cun 30 participonts.

Ils 30 da settember ei nies survigilader Daniel Hunger ius en pensiun. Suenter Paul Pfister e Rudolf Gabriel eis el staus il tierz survigilader ord la vischnaunca da Vuorz. Sia piazza ha el entschiet igl 1. da matg 1987. Duront 28 onns eis el staus en uffeci. Franc ha ei dau per el bia bials muments ed interessantas experientschas, denton era enqual situaziun malemperneivla. Uss astga el guder la pensiun e quella porta ina certa libertad denton eis ei era da far atenziun da mantener quella. Il plaid dils pensiunai che secloma: Jeu hai buc temps, tucca mintgatun la noda. A caschun dalla radunonza ha il district II priu cumiau dad el e surdau in pign present. En num dalla Secziun Bostg engraziel jeu a Ti per il temps che Ti has impundiu en survetsch dalla catscha grischuna e giavischel pil futur buna sanadad e bia plascher e legria en famiglia, or ella natira e sin tias turas cun tiu tgaun da saung.

Ils 10 da november ha la SELVA salvau in suentermiezdi d'informaziun a Flond, uaul Runcaglia. Nina Gansner, meinafatschenta dalla SELVA e Domenic Bandli digl Uffeci forestal da Glion han referiu el liug concret sur dil svilup efficient digl uaul en connex cun la regiuvinaziun naturala. Quella ei buca pusseviva senza ina regulaziun dalla selvaschina, specialmein en loghens d'uaul da protecziun.

Jeu fineschel miu rapport cun exprimer in grond e resentiu engraziament a mes



Secziun da catschadurs Bostg

Andiast | Pigniu | Vuorz | Siat | Rueun

<p>consuprastonts per la buna collaboraziun ed a tuttas e tuts che s'engaschan e segidan duront gl'entir onn ora. Per il prosperar d'ina secziun drov'ei gl'engaschi da tuts.</p> <p>Suenter il rapport dalla presidenta ei Patric Ragetti, nies niev guardiaselvaschina sepresentaus e dau ina interessenta informaziun dallas catschas e la situaziun dalla selvaschina dils onns vargai.</p>																	
<p>5. Rapport dil cau da tgira Cunquei che nies cau da tgira ha seperstgisau per la radunonza generala ha Rita dau entginas informaziuns.</p> <ul style="list-style-type: none">- tgira da primavera ei stada ils 29 da mars- tgira da stad ei stada ils 18 da fenadur <p>L'entschatta november ha la presidenta survegniu l'annunzia d'ina tgira spontana dils frars Andrea ed Erhard Accola e lur camerat Heinz Monstein a Valdun (Siat), nua ch'els han luvrau ca. 40 uras. Els han fatg quella tgira en entelgientscha cul bostger. Deplorablamein ein els s'annunziai memia tard, aschia che Benjamin aveva gia stuiu indicar la tgira da 2015. Era Kornelia e Corsin han danovamein montau ils pals per marcar la zona da ruaus dil Conn ault.</p> <p>Candidats 2014/2015 -> Andrea Noelia Giger, Dario Dietrich e Cedric Spescha</p> <p>Rapport dil cau da material e responsabel da tir Al tir intern dils 9 d'uost han 30 tiradurs priu part. In grond engraziament aunc inaga a tut quels che han segidau, seigi quei da baghegiar si il stan ni era il gi da tir.</p> <p>Elias engrazia a Patric Cavigelli per la frestgera (occasiun) che la secziun Bostg ha retschiert .</p>	<p>R. Killias E. Casanova</p>																
<p>6. Rendaquen, rapport dils revisurs ed approbaziun dil quen Clemens Cavigelli informescha en caussa finanzas dalla secziun Bostg. Tier il tir intern 2014 ha ei dau in recav da frs 577.25 e tier il survetsch divin a Munt s. Gieri ha ei dau in surpli d'expensas da da frs 241.05.</p> <p>Bilanza 2014</p> <table><tr><td>Cassa</td><td>1274.80</td></tr><tr><td>Conto postal 70-9029-0</td><td>2'666.06</td></tr><tr><td>Conto deposito 90-166462-0</td><td>2'104.10</td></tr><tr><td>Conto Banca Raiffeisen 17664.29</td><td>16'466.00</td></tr><tr><td>Total</td><td>22'510.96</td></tr><tr><td>Facultad 30.11.2014</td><td>22'510.96</td></tr><tr><td>Facultad 30.11.2013</td><td>25'682.21</td></tr><tr><td>Sminuziun dalla facultad</td><td>-3'171.25</td></tr></table> <p>Rapport da revisiun dil quen anual 2014 Tenor incumbensa sco revisurs da quen havein nus revidiu il quen annual 2014 dalla secziun Bostg.</p> <p>Il quen ei vegnius presentaus dil cassier Clemens Cavigelli tut en uorden e</p>	Cassa	1274.80	Conto postal 70-9029-0	2'666.06	Conto deposito 90-166462-0	2'104.10	Conto Banca Raiffeisen 17664.29	16'466.00	Total	22'510.96	Facultad 30.11.2014	22'510.96	Facultad 30.11.2013	25'682.21	Sminuziun dalla facultad	-3'171.25	<p>C. Cavigelli</p>
Cassa	1274.80																
Conto postal 70-9029-0	2'666.06																
Conto deposito 90-166462-0	2'104.10																
Conto Banca Raiffeisen 17664.29	16'466.00																
Total	22'510.96																
Facultad 30.11.2014	22'510.96																
Facultad 30.11.2013	25'682.21																
Sminuziun dalla facultad	-3'171.25																



Secziun da catschadurs Bostg

Andiast | Pigniu | Vuorz | Siat | Rueun

<p>transparentes. Tut las quittanzas ein avon maun e corrispundan allas cudischaziuns.</p> <p>Sin fundament da quei proponin nus alla radunonza d'aprobar il quen 2014 dalla secziun Bostg e da dar scarica al cassier ed alla suprastonza. Nus engraziein al cassier Clemens Cavigelli ed alla suprastonza per la gronda lavur en favur dalla secziun.</p> <p>Ils revisurs da quen</p> <p>Tuor Damian, Cavigelli Lothar</p> <p>Approbaziun dil quen Il quen vegn approbaus unanimamein.</p>	
<p>7. Fixaziun dallas contribuziuns annualas Neginas midadas.</p>	R. Killias
<p>8. Orientaziun ed approbaziun dil program da lavur 2015 17-1-2015 Sera familiara dalla secziun Bostg ad Andiast</p> <p>21-2-2015 Conferenza da presidents dallas secziuns "BKPJV" a Tusaun</p> <p>27-2-2015 Sesida dalla cumissiun da tgira dalla secziun Bostg</p> <p>Ils termins dallas tgras vegnan fixai alla sesida dils 27-02-2014</p> <p>Avrel Dumbraziun da tscharvas</p> <p>8-5-2015 Radunonza da primavera dalla secziun Bostg a Rueun</p> <p>16-5-2015 Radunonza da delegai dil BKPJV a Bravuogn</p> <p>18-7-2015 Viagiada e sera da cumpignia a Siat</p> <p>8-8-2015 Tir intern dalla secziun Bostg a Plaun da Tschéss (Andiast)</p> <p>November Dumbraziun da camutschs</p> <p>11-12-2015 Radunonza generala dalla secziun Bostg a Siat</p> <p>Il program da lavur 2015 vegn approbaus unanimamein.</p>	R. Killias
<p>9. Conclus sur midadas da statuts e reglaments</p>	R. Killias



Secziun da catschadurs Bostg

Andiast | Pigniu | Vuorz | Siat | Rueun

Neginas midadas	
10. Conclus sur propostas per mauns dalla suprastanza centrala Neginas propostas	R. Killias
11. Mutaziuns <u>Extradas A</u> John Cavigelli <u>Candidats</u> Andrea Noelia Giger Dario Dietrich Cedric Spescha <u>Stan actual</u> Commembers A 81 Commembers B 15 Candidats 3 Total 99	M. Tschuor
12. Elecziuns, demissiun digl actuar Marco Rita communicescha als presents che Arno Spescha ei prompts da surpender il post d'actuar ed arva la discussiun. Ei dat negina discussiun, Cun ferm applaus vegn Arno Spescha elegius. Rita engrazia a Marco per la fetg buna lavur prestada en favur dalla secziun Bostg.	R. Killias
13. Elecziun per ina perioda d'uffeci dad in onn dils delegai tenor art. 15 dils statuts dall'uniun cantunala BKPJV Elegi vegnan Arno Spescha e Clemens Cavigelli.	R. Killias
14. Honoraziuns Igl onn 2015 daventa Robert Veraguth veteran dil BKPJV.	R. Killias
15. Varia Rita dat vinavon datums da pliras occasiuns egl onn 2015. - 6-8 da fevrer, "Jagd- und Fischereimesse" a Cuera - 21 da mars, fiera da pials a Tusaun - Era las catschaduras vegnan puspei ad organisar il mars in referat cun ina tematica interessanta a Cuera La fin november ei Rita sentupada aunc inagada cun Bruno Cadosch pertuccont ina eventuala participaziun dalla secziun Bostg ella societad da catschadurs Casti Sut. Rita prelegia la brev ed arva la discussiun. Marco ei dil meini da buca prender e far prescha en caussa, ils cuosts "mo" per la secziun Bostg muntan a frs. 30'000.	R. Killias



Secziun da catschadurs Bostg

Andiast | Pigniu | Vuorz | Siat | Rueun

Gion Fidel ei medemamein da quei meini.

Clemens manegia ch'igl ei da spitgar e mirar co ei va vinavon en caussa fusiun dallas vischnauncas d'Andiast e Vuorz.

Adolf ei dil meini da prender e far part dalla societad e tegner quei en egl.

Robert ei era dil meini d'Adolf, ins duei denton spitgar giu las decisiuns en connex cun las fusiuns dallas vischnauncas d'Andiast e Vuorz.

Per il mument vegn la secziun Bostg a far nuot en caussa.

Daniel Hunger engrazia a tuts presents per il schenghetg che la Secziun Bostg ha regalau ad el sin sia pensiun. Grond plascher ha el era giu dils biars telefons da catschadurs dalla Secziun Bostg ch'el ha survegniu la fin settember duront ils davos gis da catscha.

Rita communicescha ch'ella vegn a dar giu il post da presidenta igl onn 2015, aschia che mintga commember duei far sias ponderaziuns en caussa.

Rita siara la radunonza, engrazia a tuts presents, giavischa in bi temps d'advent e bialas fiastas da Nadal.

Rueun, ils 23 da december 2014

igl actuar

Marco Tschuor